

53 um og Stóruvallaprestakalli fyrir yfirstandandi ár, og að nefnd prestaköll að hinu leyt-
11. maí. inu fái sinn tiltölulega hluta af nefndri landsskuld.

54 Brjef landshöfðingja til stiptsyfirvaldanna um niðurlagningu Stóruvallakirkju.
11. maí. — Samkvæmt ályktun hjeradsfundarins í Rangárvallaprófastsdæmi og tillögum hinna háttvirtu stiptsyfirvalda í þóknanlegu brjefi 16. marz þ. á. vil jeg hjermeð með skýr-
skotun til 4. gr. laga um skipun prestakalla frá 27. febr. 1880 fallast á, að Stóruvalla-
kirkja verði lögð niður þannig:

- 1, að Stóruvallasókn verði skipt milli Skarðs, Árbæjar og Marteinstungu kirkna og legg-
ist bæirnir Tjörfastaðir, Bjalli, Efra-Sel, Neðra-Sel og Austvaðsholt til Árbæjarsóknar,
Lúnansholt, Holtsmúli og Hjallanes til Marteinstungusóknar og hinir bæirnir í
Stóruvallasókn til Skarðssóknar;
- 2, að sjóður, skróði og áhöld Stóruvallakirkju, sem og andvirði kirkjuhússins sjálfs, skipt-
ist milli áðurnefndra þriggja kirkna eptir rjettri tiltölu við fólksfjölda þann, sem
leggst til hveerrar þeirrar, og
- 3, að kirkjukúgildin verði seld og andvirði þeirra sett á vöxtu sem sjóður, er fylgi
Stóruvallaprestakalli, sem og að ítak kirkjunnar í Bryggnaþjóru verði eign presta-
kallsins.

Þetta tilkynni jeg hjermeð hinum háttvirtu stiptsyfirvöldum til þóknanlegrar
leiðbeiningar og frekari ráðstöfunar.

55 Brjef landshöfðingja til stiptsyfirvaldanna um undirbúningsráðstafanir til að
13. maí. kirkjujarðir verði lagðar út í árgjald frá brauðum. — Einsog hinum háttvirtu stipts-
yfirvöldum er kunnugt, hafa tekjuuppbætur þær, sem ýmsum prestaköllum eru lagðar í
lögum um skipun prestakalla 27. febrúar 1880 og síðari lögum um breytingar á þeim,
hingaðtil verið greiddar úr landssjóði, og hefur fje það, sem til þess hefur þurft, verið
veitt í fjárlögnum 13. gr. A. b. 1, einsog líka á hinn bóginn að árgjöld þau, sem
eptir áðurnefndum lögum eiga að greiðast frá ýmsum prestaköllum, hafa verið greidd í
landssjóð og verið talin með tekjum landssjóðs í fjárlaganna 5. gr. 1. Í fjárlögnum
fyrir 1886 og 1887 hefur verið gjörð sú breyting í þessu efni frá fyrri fjárlögum, að
fyrir árið 1887 er ekki áætlað að nein árgjöld frá prestaköllum verði greidd í landssjóð,
og að fjárveitingin til uppbótar á prestaköllum er fyrir sama ár færð niður sem svarar
árgjöldum þeim, sem ætla má að muni greiðast, og bera umræðurnar á alþingi með
sjer, að tilgangurinn með þessari breytingu frá því sem áður hefur verið, er, að fá fram-
gengt þeirri ákvörðun í 3. gr. áðurnefndra laga 27. febrúar 1880, að gjald það, sem
greiða skal frá einu prestakalli til annars, skuli sem mest greiða með fasteignum eða af-
gjaldi fasteigna.

Áður en ákvörðun verði tekin um, hvernig og að hve miklu leyti ráðstöfun sú,
sem þannig er gjört ráð fyrir í fjárlögnum, verði framkvæmd, að því er snertir hvert
einstakt prestakall, er nauðsynlegt að hafa fyrir sjer nákvæmar skýrslur um jarðeignir
prestakalla þeirra, sem árgjald á að greiðast frá, og um hinn árlega afrakstur af hverri
þessara jarðeigna; en prestaköll þau, sem árgjald á að greiðast frá eptir optnefndum
lögum 27. febr. 1880 og síðari lögum, sem gjöra breytingar á þeim, eru þessi:

Í Norður-Múlaprófastsdæmi:	
Hof í Vopnafirði	700 kr.
Valþjófsstaður	500 —
Í Suður-Múlaprófastsdæmi:	
Vallanes	1000 —
Hólmar í Reyðarfirði	600 —
Heydalir	300 —
Í Rangárvallaprófastsdæmi:	
Holt undir Eyjafjöllum	100 —
Breiðabólstaður í Fljótshlíð	700 —
Oddi	500 —
Í Borgarfjarðarprófastsdæmi:	
Saurbær á Hvalfjarðarströnd	300 —
Í Mýraprófastsdæmi:	
Staðarhraun	500 —
Í Snæfellsnessprófastsdæmi:	
Miklaholt	400 —
Staðastaður	300 —
Í Dalaprófastsdæmi:	
Hjarðarholt í Laxárdal	700 —
Saurbær og Skarðsþing	150 —
Í Barðastrandarprófastsdæmi:	
Staður á Reykjanesi	400 —
Í Norður-Ísafjarðarprófastsdæmi:	
Vatnsfjörður	100 —
Í Strandaprófastsdæmi:	
Prestsbakki	200 —
Í Húnavatnsprófastsdæmi:	
Melstaður	350 —
Þingeyraklaustur	300 —
Höskuldsstaðir	200 —
Í Skagafjarðarprófastsdæmi:	
Reynistaður	300 —
Barð	100 —
Í Eyjafjarðarprófastsdæmi:	
Vellir í Svarfaðardal	200 —
Möðruvellir í Hörgárdal	200 —
Grundarþing	50 —
Saurbær	250 —
Í Suður-Þingeyjarprófastsdæmi:	
Laufás	400 —
Grenjadarstaður	1700 —
Í Norður-Þingeyjarprófastsdæmi:	
Sauðanes	500 —

Jeg skal því þjónustusamlega skora á yður, herra amtmaður og háæruverðugi

55 herra, að útvega sem fyrst nákvæma skýrslu um jarðeignir hvers um sig af áðurnefnd-
 13. maí. um prestaköllum og um afgjöld hverrar jarðeignar eptir meðaltali 5 hin síðustu fardaga-
 ár, sem og uppástungur hlutaðeigandi prófasta um, hverjar jarðir hentast mundi vera
 að leggja út til lúkningar hinu lögboðna árgjaldi, en í því skyni geta aðeins þær jarðir
 komið til greina, sem ekki eru undirorpnar neinum áföllum og sem búast má við að
 geti byggt framvegis með sama leigumála sem nú. Þessar skýrslur og uppástungur bið
 jeg yður síðan að senda mjer ásamt með álitu yðar um þær og um málið í heild sinni.

56 Brjef landshöfðingja til beggja amtmanna um undirbúningsráðstafanir til að
 14. maí söfnuðir taki að sjer umsjón og fjárhald landssjóðskirkna. — Eins og yður mun vera
 kunnugt, herra amtmaður, ályktaði síðasta alþingi að skora á landsstjórnina að leita
 samninga við hlutaðeigandi söfnuði um að þeir, samkvæmt lögum 27. febrúar 1880,
 taki að sjer umsjón og fjárhald kirkna þeirra, er landssjóður á, og sje þeirri kirkju þá
 látin fylgja hæfileg kirkjuportion, og vilji hlutaðeigandi söfnuður gjöra slíkan samning,
 þá sje lagafrumvarp um það efni lagt fyrir alþingi 1887.

Þareð stjórnin er því samþykkt, að það væri mjög svo æskilegt, að slíkir samn-
 ingar gætu komið á, skal jeg þjónustusamlega skora á yður, herra amtmaður, að gjöra
 nauðsynlegar ráðstafanir til þess, á þann hátt, sem fyrirskipað er í lögum um umsjón
 og fjárhald kirkna 12. maí 1882, að leitað verði samkomulags við söfnuðina í kirkju-
 sóknum þeim í suðuramtinu og vesturamtinu (norður- og austuramtinu), þar sem kirkjan
 er eign landssjóðs, um að þeir taki að sjer umsjón og fjárhald kirknanna og sjeu söfn-
 uðirnir ekki ófánlegir til þess, þá um skilmálana fyrir afhendingu hlutaðeigandi kirkju.
 Um árangurinn af þessum samningum vona jeg síðan að fá skýrslur ásamt með álitu yðar.

STYRKUR ÚR LANDSSJÓÐI.

Samkvæmt fjárlögum fyrir 1886 og 1887.

10. gr. B. V. b.

Barnaskólanum í Vestmannaeyjum veittar 200 kr.

Þorkillii barnaskóla í Vatnsleysustrandarhreppi veittar 200 kr.

16. gr. 14.

Hjeradslækni Dr. með J. Jónassen veittar af ráðgjafanum 25 kr. í viðbót við áður veittan
 100 kr. styrk uppi kostnað við útgáfu á ritinu „Hjálp í vidlögum“.

Fyrrum adjunkt Benedikt Gröndal veittur styrkur allt að 200 kr. til að gefa út tvær stuttar
 og alþýðlegar smábækur um edlisfræði og efnafræði.

19. gr.

Bókara við landsbankann, Sighvati Bjarnasyni, veittur af ráðgjafanum 400 kr. styrkur til að
 kynna sjer í Danmörku bankastörf, einkum bókfærslu.

EMBÆTTASKIPUN OG LAUSN FRÁ EMBÆTTI.

6. maí veitti landshöfðingi presti að Goðdölum, sjera Zófóniasí Halldórssyni, Viðvíkur
 prestakall í Skagafjarðar prófastsdæmi.

7. s. m. veitti landshöfðingi presti að Kálfatjörn, sjera Stefáni Thorarensen, lausn frá
 embætti frá næstkomandi fardögum.

SÝSLAN VEITT

6. maí skipaði landshöfðingi sjálfseignarbónda Jón Jónsson á Brimilsvöllum umboðsmann
 Arnarstapa- og Skógarstrandarumboðs og jarðarinnar Hallbjarnareyrar.

ÓVEITT PRESTAKÖLL.

Goðdalir í Skagafjarðar prófastsdæmi. Metið 770 kr. 77 a. Auglýst 6. maí 1886.

Kálfatjörn í Kjalarness prófastsdæmi. Metið 1253 kr. 63 a. Til uppgjafaprests greiðist af
 þessu braudi 53 kr. 63 a. árlega. Á því hvílir 2398 kr. landssjóðslán, sem endurborgast og ávaxtast
 með 150 kr. á ári, á næstu 25 árum, frá 21. júní næstkomandi að reikna.